

DOF nafi laporan Traffic

SH 22/9/2019 m/s 18

Laporan Malaysia antara 20 negara tangkap ikan yu paling tinggi tidak tepat

PUTRAJAYA



DOF menjelaskan purata pendaratan yu di perairan Malaysia daripada 2007 hingga 2017 ialah 7,027 tan metrik sahaja iaitu 0.4 peratus sekali gus menyangkal laporan Traffic.

Jabatan Perikanan (DOF) menafikan laporan rangkaian pemantauan perdagangan hidupan liar global, *Traffic* bahawa Malaysia adalah negara kelapan tertinggi yang menangkap ikan yu.

Menurut DOF, laporan *Traffic* pada 11 September lalu bahawa Malaysia menangkap purata 21,459 tan metrik ikan yu setahun antara 2007 hingga 2017 adalah tidak tepat kerana jumlah tersebut dicampur dengan pendaratan ikan pari.

"Purata pendaratan yu daripada 2007 hingga 2017 ialah 7,027 tan metrik sahaja iaitu 0.4 peratus dari-

pada jumlah pendaratan ikan marin Malaysia," katanya menurut DOF dalam satu kenyataan di sini semalam.

DOF memberitahu, di Malaysia ikan yu bukanlah spesies sasaran utama aktiviti menangkap ikan sebaliknya ia ditangkap bersama dengan spesies ikan komersial lain sebagai

LAPORAN TANGKAPAN IKAN YU

tangkapan sampingan dengan menggunakan pukut tunda, pukut hanyut dan pancing.

Menurut kenyataan itu, DOF turut merangka Pelan Pemuliharaan dan Pengurusan Ikan Yu bagi memastikan kesinambungan pengurusan spesies itu selain mengiktiraf enam Kawasan Perlindungan Marin sebagai santuari

Senarai 20 negara didakwa melakukan aktiviti tangkapan ikan yu pada 2007 hingga 2017

Ranking	Negara	Jumlah tangkapan 2007-2017 (MT)
1	Indonesia	110,7373
2	Sepanyol	78,443
3	India	67,391
4	Mexico	39,992
5	Amerika Syarikat	37,387
6	Argentina	33,414
7	Taiwan	32,784
8	MALAYSIA	21,459
9	Brazil	19,877
10	Nigeria	19,008
11	New Zealand	17,396
12	Portugal	17,015
13	Perancis	16,684
14	Jepun	16,357
15	Pakistan	14,034
16	Iran	13,596
17	Peru	10,872
18	Korea	10,504
19	Yemen	9,622
20	Ecuador	7,609

* Bilangan tan metrik (MT)

(Sumber: FAO FishStat 2019)

ikan yu di Sabah.

"DOF membangunkan *Non-Detriment Findings* bagi spesies sasaran sphyryna lewini serta menguatkuasakan *zero quota* iaitu larangan aktiviti eksport bagi ikan yu yang disenaraikan

di bawah Konvensyen Perdagangan Antarabangsa Mengenai Spesies Fauna dan Flora Liar Terancam Pupus (CITES).

"DOF juga melaksanakan syarat tambahan lesen kapal dan peralatan me-

angkap ikan yang tidak membenarkan aktiviti penyiripan ikan yu iaitu memotong atau memiliki sirip ikan yu di atas bot atau kapal penangkapan ikan.

"Sebagai langkah pemantauan dan pengawalan eksploitasi sumber ikan yu, Kursus Identifikasi Ikan Yu dan Pari dijalankan secara tahunan melibatkan agensi penguatkuasa," menurut kenyataan itu.

Setakat ini, sejumlah 68 spesies ikan yu ditemui dalam perairan Malaysia dan pengurusan sumber yang cekap, ekosistem marin serta kawasan pesisiran pantai yang subur penyumbang kelestarian hidupan itu.

Lima spesies ikan yu dilindungi di bawah Akta Perikanan 1985, Peraturan-Peraturan Perikanan (Pengawalan Spesies Ikan Terancam 1999 iaitu rhincodon typus (yu paus), carcharhinus longimanus (yu sirip putih besar), sphyryna mokarran (yu tukul parang), sphyryna zygaena (yu tukul) dan eusphyra blochii (yu tukul palang). - *Bernama*